

P. 15, L. -1【方便品】「方便」三解：1. 方法、使用，善用偏法，巧逗眾生。此可釋他經，非今品意。2. 方便門，能通，通於所通。方便為真實作門，真實得顯，功由方便。亦可釋他經，非今品意。3. 秘妙也。妙達於方，即是真秘。點內衣裏無價之珠，與王頂上惟有一珠，無二無別。指客作人是長者子，亦無二無別。如斯之言是秘是妙，正是今品意。此品正是開三乘之權，顯一乘之實。

P. 16, L. 6【南嶽大師】慧思禪師（515～577）南北朝時代之高僧。武津（河南上蔡）人，俗姓李。世稱南嶽尊者、思大和尚、思禪師。為我國天台宗第二代祖師。自幼歸佛樂法，心愛法華經，曾持經入塚中讀誦，讀畢深受感動，對經涕泣，旋夢普賢菩薩摩頂而去，由此，頂上遂隆起肉髻。年十五出家，後參謁河南慧文禪師，得授觀心之法。《天台傳佛心印記註》卷2：「晝則驅馳僧事。夜則坐禪達旦。始三七日。初發少靜。觀見一生善惡業相。轉復勇猛。禪障忽起。四肢緩弱。身不隨心。即自觀察：我今病者皆從業生。業由心起。本無外境。反見心源。業非可得。遂動八觸。發根本禪。因見三生行道之迹。夏竟受歲。將欲上堂。乃感歎曰。昔佛在世。九旬究滿。證道者多。吾今虛受法歲。內愧深矣。將放身倚壁。豁然大悟法華三昧。自是之後。所未聞經不疑自解。」（X57, p. 367c15-22）師為最早主張佛法之衰微即末法時期者，故確立對阿彌陀佛與彌勒佛之信仰。注重禪法之踐行，亦注重義理之推究。北齊天保四年在郢州（今湖北武漢），遭惡人在食物中置毒加害，徒眾有三人因中毒致死（《佛祖統紀》卷6：「師命垂盡。一心念般若波羅蜜。毒即消散。」T49, p. 179b14-15）。天保五年（554），師至光州（今河南潢川），不分遠近，為眾演說，長達十四年之久。其間聲聞遠播，學徒日盛，嫉其德望或謗難是非者甚多。又師於河南南部之大蘇山傳法予智顗，智顗為師之眾門弟中最為傑出者。陳代光大二年（568）始入湖南衡山（南嶽），講筵益盛，居止十年，遂有「南嶽尊者」之稱。倍受宣帝禮遇，尊稱「大禪師」，故思大和尚，又稱思禪師，蓋基於此。

太建九年，晏然而化，世壽六十三。著作多半由門徒筆記整理而成，如法華經安樂行義一卷、諸法無諍三昧法門二卷、大乘止觀法門四卷、四十二字門二卷、受菩薩戒儀一卷等。自撰者有南嶽思大禪師立誓願文一卷。～《佛光大辭典》、《中華佛教百科全書》



P. 16, L. 6【三轉讀之】《妙法蓮華經玄義》卷2：「南岳師讀此文皆云如，故呼為十如也。天台師云：「依義讀文，凡有三轉。一云：是相如、是性如，乃

至是報如。二云：如是相、如是性，乃至如是報。三云：相如是、性如是，乃至報如是。若皆稱如者，如名不異，即空義也。若作如是相、如是性者，點空相性，名字施設，邈迤不同，即假義也。若作相如是者，如於中道實相之是，即中義也。」分別令易解故，明空、假、中；得意為言，空即假、中。約如明空，一空一切空。點如明相，一假一切假。就是論中，一中一切中，非一二三而一二三，不縱不橫，名為實相。唯佛與佛究竟此法。是十法攝一切法。若依義便，作三意分別。」(T33, p. 693b12-25)《法華玄義釋籤》卷4：「讀相中約假，雖有邈迤之言，但是約空論假。」(T33, p. 839c27-28)

P. 16, L. -3【照自位九界十如】《法華文句記》卷4〈釋方便品〉：「言自位者，雖明十界，界界各十，且照當界，以九為權、以一為實，故須結云：一中無量，一界具十，一一十如；若自若他、若因若果，在一心故，故云無量中一、一中無量，不可以一說、不可以多說；不可以權說、不可以實說；因果、善惡、空有、大小、凡聖、漸頓、開合、心法、依正，一多自在，一切諸法悉皆如是。是知譚法界者，未窮斯妙，致使惑果事而迷因理。」(T34, p. 223, a3-11)

P. 16, L. -2【一中具無量、無量中具一】《法華文句記》卷4〈釋方便品〉：「凡夫絕理等者，自鄙無分故云『絕理』，隨想異見故云『情迷』，既絕且迷，徒具何益？二乘等者，即二教二乘，三道即是捨而不觀，避空求空，反資小脫。菩薩等者，藏通照六，別照次第，故云『不周』，皆迷己界，不達佛界；不了了言，尚該十地。故今應指別地及因。『橫豎具足』者，一中無量為橫，無量即一為豎，多一相即，故云具足。」(T34, p. 223 a15-23)

P. 16, L. -1【約佛法界釋】

如是相	萬善緣因	眾寶莊校(p. 246：-1+ p. 275：-5)
如是性	智慧了因	有大白牛(p. 247：1+ p. 275：-1)
如是體	實相正因	其車高廣(p. 246：-1)
如是力	菩提道心慈善根力	於其上張設幃蓋(p. 246：-1+ p. 275：-4)
如是作	任運無功用道	其疾如風(p. 247：2)
如是因	四十一位	乘是寶乘遊於四方(p. 277：1)
如是緣	一切助菩提道	又多僕從而侍衛之(p. 247：2+ p. 276：1)
如是果	妙覺朗然。圓因所剋	直至道場(p. 280：4)
如是報	大般涅槃	得無量無漏清淨之果報(p. 620：-6)
如是本末究竟等	如來自行權實	即實而權。即權而實。